



“TASDIQLAYMAN”

Sharof Rashidov nomidagi
Samarqand davlat universiteti ilmiy ishlar
va innovatsiyalar bo'yicha prorektori

H. Xushvaqto'v

2023-yil

“IDEATON- UZBEKISTAN 2030” TANLOVINI TASHKIL ETISH NIZOMI

Umumiy qoidalar

1. O'zbekiston Respublikasi oliy ta'lim, fan va innovatsiyalar vazirligining 2023-yil 10-avgustdagi 151-sonli buyrug'ida belgilangan vazifalar ijrosini ta'minlash hamda universitetda faoliyat olib borayotgan yosh olimlar, magistrant va iqtidorli talabalarni qo'llab-quvvatlash, ular tomonidan olib borilayotgan ilmiy tadqiqot ishlarini, amalga oshirayotgan loyihalarini xalq xo'jaligining turli tarmoqlariga joriy etilishiga ko'maklashish, moddiy va ma'naviy rag'batlantirish maqsadida tashkil etilayotgan “Ideaton – Uzbekistan 2030” (keyingi o'rinlarda- Tanlov) tanlovining o'tkazilish va baholash tartiblarini belgilaydi.

2. Tanlov ushbu Nizom hamda O'zbekiston Respublikasining tegishli qonunlarida keltirilgan tartibda o'tkaziladi.

Maqsad va vazifalari

3. Tanlovning maqsadi universitetda faoliyat yuritayotgan tashabbuskor yoshlar, magistrant va iqtidorli talabalarning ratsionalizatorlik takliflari, innovatsion ishlanmalari hamda startap g'oyalarini aniqlash, ularning bazasini to'plash, eng yaxshi g'oyalarni hayotning turli tarmoqlariga joriy qilish hamda g'oya mualliflarini rag'batlantirishdan iborat.

4. Tanlovda o'zlarining innovatsion startap loyihalari va g'oyalariga ega 40 yoshgacha bo'lgan iqtidorli talabalar, universitetda faoliyat yuritayotgan yosh olimlar va magistrantlar ishtirok etishlari mumkin.

5. Tanlov quyidagi yo'nalishlarda bo'lib o'tadi:

Eng yaxshi ratsionalizatorlik taklifi;

- Ijtimoiy sohadagi eng yaxshi innovatsion g'oya;
- Eng yaxshi startap;
- IT yo'nalishidagi eng yaxshi g'oya.

Tanlovning tashkiliy tuzilmasi

6. Tanlov Oliy ta'lim, fan va innovatsiyalar vazirligi hamda Sharof Rashidov nomidagi Samarqand davlat universiteti tomonidan tashkillashtiriladi hamda Nizomda keltirilgan tartibda o'tkaziladi.

7. Tanlovning loyihalarni saralash bo'yicha ekspert komissiyasi quyidagi tashkilotlar bilan birgalikda tuziladi:

- Sharof Rashidov nomidagi Samarqand davlat universiteti, institutlar, IT markazi;
- Ishlab chiqarish korxonalari.

8. Ekspertlar komissiyasi Sharof Rashidov nomidagi Samarqand davlat universiteti tomonidan shakllantiriladi.

Tanlovni o'tkazish tartibi

9. Tanlov 2 bosqichda o'tkaziladi:

- **1-bosqich:** Tanlov e'lon qilinadi hamda ishtirokchilar dastlab fakultetga murojaat qiladi. Arizalar 3 ish kuni muddatda texnik ekspertizadan saralab olinadi. Saralangan loyihalar keyingi bosqichga o'tkaziladi.

- **2-bosqich:** Tanlovning 2-bosqichi universitet miqyosida o'tkaziladi. Saralangan loyihalar muallif tomonidan komissiya a'zolari oldida 5 daqiqadan ko'p bo'lmagan taqdimotlari bilan himoya qilinadi. Taqdimotlar har bir komissiya a'zosi tomonidan 100 ballik tizimda baholanadi hamda eng yuqori ball jamg'argan loyiha g'olib deb topiladi.

10. Tanloda har bir kishi individual ishtirok etadi. Ishtirokchi faqatgina 1 ta g'oyani taklif qilishi mumkin. Miqyosi jihatdan ushbu tanlovdan yuqori turuvchi loyihalarda g'olib bo'lgan g'oya yoki ishlanmalar tanlovda ishtirok etishi mumkin emas.

11. Ideatonda ishtirok etish uchun quyidagi ariza shakli to'ldiriladi:

- Ishtirokchining F.I.SH.
- O'qish yoki ish joyi, lavozimi / vazifasi
- Yashash joyi;
- Bog'lanish uchun telefon raqami;
- Taklif etilayotgan g'oya yoki ishlanma nomi;
- G'oya haqida batafsil ma'lumot (nima uchun kerak va kimlar tomonidan foydalaniladi);
- G'oya tanlovning qaysi yo'nalishiga to'g'ri keladi;
- Taklif qilinayotgan g'oya yoki ishlanmani amalga oshirish mexanizmi;
- G'oyaning hozirgi mavjud boshqa analoglaridan farqli tomonlarini ko'rsatib beriladi;
- G'oyani amalga oshirish uchun nimalar kerak bo'ladi;
- Qo'shimcha ma'lumotlar bo'lsa kiritiladi.

12. Tanlov g'oliblari har bir yo'nalishda "eng yaxshi" bo'lgan g'oya yoki ishlanmalar orasidan bir nafardan eng yuqori ballni to'plagan yoshlar hisoblanadi hamda esdalik sovg'alari bilan taqdirlanadi

Yakuniy qoidalar

13. Saralash bosqichini o'tkazish tartibi va mezonlariga o'zgartirish kiritish qonun hujjatlariga muvofiq amalga oshiriladi.

14. Ushbu Nizom talablari buzilishida aybdor bo'lgan shaxslar qonun hujjatlarida belgilangan tartibda javobgar bo'ladilar.